

D433

U B079 BAH
MAHATHIR - KARPAL

IPOH, 11 MAC (BERNAMA) -- DATUK SERI DR MAHATHIR MOHAMAD HARI INI MENCABAR ENCIK KARPAL SINGH SUPAYA MENYATAKAN SEBENARNYA BAGAIMANA BELIAU MENGETAHUI DENGAN TERPERINCI SEGALA ISU KANDUNGAN PITA VIDEO YANG KECURIAN DARI RUMAH ENCIK D.P. VIJANDRAN.

PERDANA MENTERI BERKATA, BELIAU TIDAK AKAN MENGULANGI TUDUHAN YANG DIBUATNYA KHAMIS LEPAS TERHADAP ENCIK KARPAL DI LUAR DEWAN RAKYAT TETAPI MAHU BERTANYA ANGGOTA PARLIMEN JELUTONG ITU BAGAIMANA BELIAU TAHU BEGITU BANYAK ISU KANDUNGAN PITA TERSEBUT.

KATANYA, ANGGOTA PARLIMEN ITU TELAH MENYATAKAN DI DALAM DAN DI LUAR DEWAN RAKYAT BAHAWA BELIAU TAHU ISI KANDUNGAN PITA ITU TETAPI APABILA DIMINTA BUKTINYA, ENCIK KARPAL BERKATA, PITA ITU TIDAK ADA PADANYA.

BELIAU BERKATA, HANYA EMPAT PIHAK, YANG TAHU ISI KANDUNGAN PITA BERKENAAN IAITU ENCIK VIJANDRAN SENDIRI SEBAB PITA ITU KEPUNYAANNYA, POLIS YANG DIKATAKAN TELAH MENERIMA PITA ITU, PEGUAM NEGARA YANG DIBERI PITA ITU OLEH POLIS DAN ORANG YANG MENCURI PITA BERKENAAN.

+JADI SAYA MAHU TANYA ENCIK KARPAL MACAM MANA DIA TAHU BEGITU BANYAK ISU KANDUNGAN PITA VIDEO ITU,+ KATANYA PADA PERSIDANGAN AKHBAR DI AKHIR LAWATAN RASMI TIGA HARI KE NEGERI PERAK DI LAPANGAN TERBANG SULTAN AZLAN SHAH DI SINI. -- LAGI.

1312MST 11 03 90

U B080 BAH
MAHATHIR - KARPAL 2 IPOH

ENCIK KARPAL TELAH MENCABAR PERDANA MENTERI SUPAYA MENGULANGI TUDUHANNYA DI DEWAN RAKYAT ITU BAHAWA ANGGOTA PARLIMEN BERKENAAN MERANCANG ROMPAKAN DI RUMAH BEKAS TIMBALAN SPEAKER DEWAN RAKYAT ITU.

ENCIK KARPAL JUGA MENCABAR DATUK SERI DR MAHATHIR SUPAYA MENANGKAPNYA JIKA BENAR BELIAU YANG MERANCANG ROMPAKAN ITU.

PERDANA MENTERI BERKATA, BELIAU TIDAK AKAN MENGULANGI DAKWAAN ITU DI LUAR DEWAN TETAPI MAHU ENCIK KARPAL MENYATAKAN PERKARA YANG SEBENAR.

+ADAKAH PIHAK POLIS YANG MENCERITAKAN KEPADANYA, PEGUAM NEGARA MEMANGGIL ENCIK KARPAL UNTUK MEMBERITAHU MENGENAI PITA ITU ATAUPUN ENCIK VIJANDRAN SENDIRI ATAU ORANG YANG MENCURI PITA ITU KERANA HANYA YANG MENCURI PITA ITU SAHAJA TAHU ISI KANDUNGANNYA,? TANYA BELIAU.

+KITA HENDAK TAHU ITU SAHAJA DAN INI, SAYA SANGGUP UNTUK MENYATAKAN DI LUAR DEWAN..., + TEGASNYA. -- LAGI.

1316MST 11 03 90

U B081 BAH
MAHATHIR - KARPAL 3 IPOH

+SAYA JUGA NAK TAHU APAKAH HUBUNGANNYA DENGAN ORANG YANG MEMBERITAHUNYA MENGENAI ISI KANDUNGAN PITA ITU,+ TAMBAHNYA. BELIAU BERKATA, ENCIK KARPAL, DARIPADA DAKWAAN-DAKWAANNYA SEOLAH-OLAH TELAH MELIHAT SENDIRI PITA ITU ATAU DIBERITAHU MENGENAI ISI KANDUNGANNYA OLEH ORANG YANG TELAH MENYAKSIKANNYA.

+DIA MENDAKWA DIA TAHU SIAPA YANG ADA DALAM PITA ITU, SIAPA PELAKONNYA DAN SIAPA PELAKON PEMBANTU. MACAM MANA DIA BOLEH TAHU SEMUA ISI KANDUNGAN SECARA TERPERINCI, INI SAYA SANGGUP KATA DI LUAR DEWAN,+ TEGAS BELIAU..

+ADAKAH ENCIK KARPAL BERSEDIA UNTUK MEMBERITAHU MAHKAMAH SIAPAKAH YANG MEMBERITAHUNYA ATAU ADAKAH DIA AKAN MEMBERITAHU MAHKAMAH BELIAU MENERIMA MAKLUMAT MELALUI POS,? TANYA PERDANA MENTERI LAGI.

DATUK SERI DR MAHATHIR BERKATA, TIDAK MUNGKIN SESEORANG ITU BOLEH MENCERITAKAN SEGALA-GALANYA TENTANG PITA ITU MELALUI POS.

APABILA PEMBERITA MENCELAH BAHAWA ENCIK KARPAL JUGA DILAPORKAN BANYAK MENERIMA MAKLUMAT MELALUI TELEFON, BELIAU BERKATA, MEMBUAT TUDUHAN BERDASARKAN MAKLUMAT YANG DITERIMA MELALUI TELEFON MENUNJUKKAN SESEORANG ITU TIDAK BERTANGGUNGJAWAB.

KATANYA, KERAJAAN SENDIRI BOLEH BERTINDAK MENAHAN SESEORANG BERDASARKAN TUDUHAN TETAPI KERAJAAN TIDAK BERTINDAK HANYA SEMATA-MATA ATAS TUDUHAN. -- BERNAMA.

1319MST 11 03 90